

Na se Teng Chaba se Fetang See?



SABATHA MANTSIBOEA

Bakeng Sa Thuto ea Beke ena Bala: *Deut. 4:1–9, Matt. 15:1–9, Numer. 25:1–15, 1 Bakori. 10:13, Deut. 4:32–35, Matt. 5:13–16.*

Temana ea Khopolo: “Ke sefe sechaba se sehlo se nang le melao le litaelo tse lokileng joaloka molao ona oohle oo ke o behang pela lona kajeno?” (*Deuteronomo 4:8*).

Khaolo tsa pele tse qalang tsa Deuteronomo empa e le lithuto tsa nalane, ho hopotsa batho tseo ba fetileng hara tsona ho fihlela moo. Ha re fihla khaolong ea bone, thuto ea nalane e nka sebopeo sa ho kang thero. Ho pheta nalane ho n’o sa etsetsoe monate; empa, ho ne ho etsetsoa sepheo se itseng, ho ba bontša matla le mohau oa Molimo o sebetsang hara batho, le hore leha ba entse ntho lisele, Morena o ne a ntse a tlo phethahatsa selekane sa hae le bona.

Khaolo ea bone e qala ka lentsoe la Scheberu (sehokelo le leeketsi), *we’attah*, se tolokoang ka hore “Me ha joale” kapa “Joale.” Ba ne ba qeta ho hopotsana nalane ea bona, sehopotso sa seo Molimo a se entseng ho ba fihlisa mona—ka hona, kapa “joale,” ba tlameha ho etsa seo Molimo a reng ba se etse (*sheba le Deut. 10:12*) e le karabo ea seo.

Ke ka hona kutu-ketso ea pele e hlahang kamora “Me joale” eleng ‘*shama*’, eona hantle, e sebelisitsoeng qalong ea thapelo ea *Shema*, ’me e bolela “utloa” kapa “mamela,” kutu-ketso e lulang e phetoa bukeng ea Deuteronomo.

Ka hona, khaolo e qala tjen: *’Me joale, Iseraele, ka baka la tseo ke u etselitseng tsona, u lokela ho mamela sena...*

**Ithute Thuto ea Beke ena Ho Lokisetsa Sabatha la 6 Pulungoane.*

Se ke oa Eketsa Kapa oa Fokotsa

Bala Deuteronoma 4:1, 2. Temoso e hlakileng eo Jehova a ileng a ba fa eona malebana le “melao le litaelo” ke efe, ’me ke hobaneng ba lemosang ka see li sa tloha feela? (*Sheba le Deut. 12:32.*)

Jehova o ba bolella hore ba mamele “melao le litaelo” le hore ba se eketse kapa ho li fokotsa. Hobaneng a rialo? Athe ke mang ea ka lekang ho *fetola molao oa Molimo*? Re tseba karabo, hantle.

“Esale Satane a qophelletse a bile a sa khathale litekong tsa hae tsa ho ntšetsa-pele mosebetsi oo ao qalileng leholimong, oa ho fetola molao oa Molimo. O atlehile ho kholisa lefatše ho lumela thutong eo a faneng ka eona leholimong, pele ho hooa ha hae, ea hore molao oa Molimo o lenyoka, o hloka ho lokisoa. Karolo e kholo ea Kereke ea Bokreste, ka moea oo ba o bontšang, haeba ese ka lipuo, ba bontša hore ba oetse phosong e tšoanang.”—Ellen G. White, *Selected Messages*, Book 2, Leq. 107.

Ha u nahana ka nalane ea Iseraele oa khale, u hlokomela ba ile ba kena khathatsong eseng feela ka baka la ho iphanyetsa e meng ea melao, empa ba ne ba e eketsa, ka ho tliša lintho tse neng li le sieo molaong, tse qeteletseng ka ho tloha molao.

Bala Mattheu 15:1–9. Re bona mohlala oa tšiea eo, leha e le maemong a fapaneng, Moshe a ileng a lemosa Bana ba Iseraele ka eona?

Ha Baheberu ba qetella ba kene lefatšeng la Pallo, hangata ba ne ba lutse ba iphanyetsa litemoso tse hlakileng malebana le, mohlala ho rapela litšoantšo. Ka hona, ba ile ba latela melingoana e mengata, ka nako tse ling e le karolo ea khumamelo ea bona ea Yahweh. Nakong ea Jesu, leha ho le joalo, ba ne ba e na le mefuta eohle ea meetlo ea batho, hona hoo Jesu ka boena a bileng a re “ba entse litaelo ta Molimo lefeela.”

Hore na ooa eketsa kapa ooa fokotsa, molao o n’o fetotsoe, ’me sechaba sa khola litholoana tse bosula.

Ke ka tsela life re hlokanang ho ba hlokolosi malebana le ho se eketse kapa ho fokotsa seo Molimo a re boleletseng soa?

Baale-Peore

Ho Deuteronoma 4:3, 4, bana ba Iseraele ba fuoa thutonyana ea nalane, ho sebetsa e le sehopotso sa nako e fetileng le ea linnete tsohle tsa semoea kapa tse pheloang hore ba ithutse ka tsona.

Bala Numere 25:1–15. Ho etsahets'ng, 'me linnete tsa semoea le tse phelehang tseo batho ba neng ba ka be ba inketse tsona motsoebereng oo ke life?

Leha re sa phutholohe hakaalo ka lipale tsa kamoo Iseraele e neng e fiela tse ling tsa lichaba tsa boheteha kateng, taba li tlameha li hlalosa lebaka la taelo eo. Iseraele e ne e tlameha ho ba lipaki tsa Molimo oa 'nete ho lichaba tsa bohetene tse neng li e pota-potile. E n'e lokela ho ba mohlala oa seo khumamelo ea Molimo oa 'nete eleng sona. Empa, kaho khomarela “melingoana” ea bohetene, e hara bona, ba ne ba atisa ho oela borabeleng bo pepenene khahlanong le eena Molimo eo ba neng ba lokela ho mo bontša lefatšeng lohle.

Leha poleloana, “ho etsa bohloa” e atisa ho ba le moelelo oa semoea, ka hore Iseraele e ile ea latela melingoana le litloaelo tsa bohetene (*sheba Hos. 4:12–14*), mona teng puo, (le pale kaofela) e supa hore ho bile le sebe sa thobalano, bonyane khetlo la pele. Mona hape, Satane o ile a nka monyetla ka tlhaho e oeleng ea motho, a sebelisa mosali oa mohetene ho hohela banna, ba ileng ba itumella ho hoheloa.

Ha ho potang, ketso ea bohloa ba nama e qeteletse ka bohloa ba semoea. Batho ba amehang ba qetelletse ba tsoaseha litloaelong tsa ho khumamela melingoana ea bohetene eo Iseraele a ileng a “kenella khumamelong ea Baale-Peore;” ke hore, ba ile ba qetella ba khomaretse molingoana ona oa bohata hoo ba bileng ba o etsetsa mahlabelo. Ntle le sohle seo ba se rutiloeng le ho se bolelloa, ba ne ba ikemiselitse ho lahla sohle ka baka la ho cheso ka litakatso.

See se ka be se etsahetse joang? Habonolo. Ka ho itiisa lipelo ka sebe sa pele, sebe sa nama, ba ne ba butsoelitse ho oela ho sa bobeli, sa semoea, eleng seo e tlamehang e bile sepheo sa Satane. Ba ne ba senyehihile hona hoo, ho ea ka temana, monna e emong a ileng a tlisa mosali oa Mo-Midiane-hona ka phuthehong, hantle kapela Moshe, le kapela batho ba neng ba lla ka ntle ho taberanakele.

Likelello tsa rona le 'mele ea rona li sebetsa 'moho. Se amang e 'ngoe se ama e 'ngoe. Ke sefe seo re ka ithutang sona paleng ee malebana le kamoo ho ithopa ho ka bang kotsi kateng semoeng sa rona?

Khomarela Jehova Molimo oa Hao

Likete-kete li ile tsa shoa sebeng sa Baale-Peore. “Kaofela banna ba latetseng Baale-Peore” ba ile ba timetsoa. Leha ho le joalo, bongata ha bo’a ka ba oela bokoenehing.

E n’e le bo mang?

“Athe lona, ba ileng ba khomarela Jehova, Molimo oa lona, le sa ntsane le phela le kajeno kaofela ha lona” (*Deut. 4:4*).

Ke joang temana ee e hlalolang phapang pakeng tsa ba ileng ba oela sebeng le ba sa kang ba oela? Molaetsa oa bohlokoa ho rona ke ofe moo malebana le sebe le liteko le matla a Molimo maphelong a rona?

Hlokomela phapang pakeng tsa lentsoe “bohle” temaneng ena le temana e tlang pele ho eona. “Bohle” ba ileng ba latela Baale Peore ba ile ba timetsoa; empa “e mong” ea khomaretseng Jehova o phetse. Hone hose ea lipakeng mono, ha hona ea tla ba lipakeng le kajeno. Re ba Jesu kapa re khahlanong le eena (*Matt. 12:30*).

Lentsoe la Seheberu bakeng sa “ba khorametseng” *dbq*, hangata le supa boinehelo bo tebileng ba ho khomarela ntho e kante ho motho. Kutu e tsoanang ea Lentsoe e sebelisoa ho Genese 2:24, moo monna a tla siea lelapa labo e be o “khomarela” mosali oa hae (*sheba le Ruthe 1:14*). Maemong ana, lentsoe lena, le bonahala le hlaha makhetlo a mang a mane ho Deuteronomoma (*Deut. 10:20, Deut. 11:22, Deut. 13:4, Deut. 30:20*), ‘me makhetlong ana kaofela moelelo o oa tsoana: batho, ba ne ba lokela ho khomarela Molimo oa bona. Ke hore, ba ne ba lokela ho inehela ho eena le ho okha matla ho eena.

Se bohlokoa ho hopola ke hore batho ka bo bona ke maetsi a kutu-ketso: ba tlameha ho khomarela. Ba tlameha ho etsa khetho ea ho “khoramela” Molimo, le matleng a hae, ho qoba ho oela sebeng.

Bala Juda 24 le 1 Bakorinthe 10:13. Ke sefe se buoang moo Testamenteng e Ncha se boetseng se fumanoa ho Deuteronomoma 13:4?

Molimo o oa tšepaha; Molimo o khona ho re boloka hore re se oe. Empa re tlameha ho etsa khetho e hlakileng, joaloka ba ileng ba tšepahala Baale Peore, ea ho khomarela Molimo. Ha ho le joalo, joale re ka ba le bonnete ba hore, ho sa natsoe teko, re ka tšepahala.

Ke joang lintho tse kang thapelo, boithuto ba Bibe, khumamelo, le setsoalle li ka re thusang ho khomarela Jehova?

Ke Sefe Sechaba se Seholo ho Feta See?

Se latelang litemaneng tse 'maloa tse hlahlamang kamora Deuteronoma 4:4 ke tse ling tsa litemana tse matla-matla, tse ntle ka hofetisisa Mangolong ohle (Seheberu se nonne!). Motho a ka etsa khang ea hore, haele hantle, molaetsa oa Deuteronoma o fumanoa hona mona, 'me sohle sea hlalosa. Ha u bala litemana tsena, nahana ka tsela tse fapaneng tseo tšiea ena e ka sebetsang ho rona kajeno.

Bala Deuteronoma 4:5–9. Hobaneng Molimo ka Moshe a ile a re o tla etsa seo a se entseng ka Iseraele moo?

Jehova o batla hore batho ba eelloe hore ba bitsitsoe, ba khethiloe, bakeng sa sepheo se ikhethang. Ke sechaba se “seholo,” joalokaha Molimo a boleletse Abrahama nakong eo a neng a 'mitsa hara Bakalde khetlo la pele, hore, “ke tla u etsa sechaba se seholo” (*Gen. 12:2; sheba le Gen. 18:18*).

Empa sepheo sa ho ba etsa sechaba se seholo e n'e le hore e be “tlhohonolofatso” (*Gen. 12:2*) hore “mefuta eohle ea lefatše e hlohonolofalle ho eena” (*Gen. 12:3*). Leha tlhohonolofatso ea mapomela e tlabana hore Jesu, Mesia, o tla tla ka leloko la bona, ho fihlela ho e ba joalo, e tla ba leseli la lefatše. “Ke bile ke u beile leseli la lichaba, u tle u be poloko ea ka ho isa pheletsong ea lefatše” (*Esa. 49:6*). Eseng hore pholoso e ile ea fumanoa ho bona, empa hore, ka bona, Moliomo oa 'nete, eena feela ea ka pholosang, o ne a tla bonahatsoa.

Iseraele o ne a khumamela le ho sebeletsa Molimo ea entseng maholimo le lefatše; bahetene ba ne ba khumamela mafika, majoe, patsi, le matemona (*Deut. 32:17, Lipe.106:37*).

Ke phapang e ka kaakang!

Litemaneng tsena, Moshe o ile a supa ntho tse peli tse entseng Iseraele e khetholohe. Ea pele, Jehova o ne a le haufi le eona, joalokaha a ne a le joalo ka tsela e ikhethang, joaloka sehalalelo, le “ka baka la melao le likahlolo tse molaong 'ohle.” qeto ea ho phela, le ho rata, le ho etsa bohle ba mo potileng ka tsela e tlotlisang

Bala Deuteronoma 4:32–35. Ke hape eo Morena a neng a ba bolella eona, e ka beng e entseng hore ba lemohe pitso e ikhethang eo ba e fuoeng?

Ha ho potang, Iseraele e ne e fuoa ho feta tekano. Joale, ba tla arabela joang?

Bohlale le Kutloisiso ea Hao

Deuteronoma 4:1–9, joaloka re bone, e n’ e le polelo e matla eseng feela ea maemo a sechaba, empa a thomo ea sona hape. Se phuthetsoeng litemaneng tseo kaofela ke taba ea hore ba tlameha ho mamela, ho latela, ho etsa seo Jehova a ba laetseng hore ba se etse.

Bala Deuteronoma hape 4:6. Ka kotloloho, ke sefe seo Morena a reng ke “bohlale” ba bona le “kutloisiso” ea bona, mahlong a lichaba tsee?

Sethathong, ekare melao le likahlo ka botsona ke tsona tse fupereng bohlale le kutloisiso. Empa seo ha se buuoang ke litemana. Morena o ne a ba rutila melao le likahlolo, e, empa bohlale ba bona le kutloisiso *li ne li tsoa ho li bolokeng, ho mameleng Jehova*. Ho mamela ha bona—ke hona hoo e neng e le bohlale le kutloisiso.

Iseraele a ka be a bile le leano la melao le litsamaiso le letle ho feta ohle a teng lefatšeng, kutloisiso ea bona, e ne kolla ho bonahatseng melao ea Molimo maphelong a bona. Ba ne ba lokela ho phela linnete tseo Jehova a ba neileng tsona, ’me ba ne ba ka etsa seo feela ka ho mamela melao eo. Leseli lohle le ’nete eohle li ne li sa tlo tsoela bona kapa bahetene ba neng ba ba pota-potile ebang Iseraele e ne e sa phele linnetse tseo. Ka hona, khafe-khafetsa, ba biletsoa ho mamela, hobane ho mamela melao le likahlolo ha bona, eseng likahlolo le melao ka botsona, ke sona seo e neng e le sa bohlokoa, malebana le ho ba lipaki tsa lefatše.

“Ho mamemla molao oa Molimo hoa bona hone hotla ba etsa molleloa oa nala pela lichaba tsa lefatše. Eena ea ka ba fang bohlale le litsebo tsa mesebetsi eohle, o tla tsoelapele ho ba tichere ea bona, ’me o ne a tla ba ba phahamisa ebang ba mamela molao oa hae. Haeba ba mamela, ba ne ba tla tsoelapele ho sireletsoa khahlanong le mafu a neng a hlasela lichaba tse ling ’me ba ne ba tla hlohonolofatsoa ka matla a kelello. Khanya ea Molimo, boholo le matla a hae, li ne li tla senoloa naleng eohle ea bona. Ba ne ba lokela ho ba ’muso oa likhosi le baprista. Molimo o ile a ba fa lisebelisoa tsohle tse hlokehang hore e be sechaba se seholo lefatšeng.”—E.G. White, *Christ’s Object Lessons*, Leq. 288.

Bala Mattheu 5:13–16. Litemaneng tsena, Jesu o reng ho rona ho bontša ntho’e tšoanang hantle le eo a neng a e boleletse Iseraele ea khale? Ke joang taba ee, e lokelang ho sebetsa ho rona re le Baleti?

Ho Ithuta ka Botebo: “Ho tloha qalong ea toantšano e kholo leholimong, sepheo sa Satane e sale e le ho felisa molao oa Molimo. Ke hobane a ne a batla sena ha a tla kena borabeleng khahlanong le ’Mopi, leha a lelekiloe leholimong, o tsoetse pele ho ntsetsa-pele letšolo lena la hae lefatšeng. Ho khelosa batho ka ho ba thetsa hore ba tlole molao oa Molimo, ke sona seo a ileng a se sebeletsa ka thata. Hore na sena se fihleloa ka ho lahlela molao oohle matjoing, kapa ka ho se boloke o mong oa eona, litholoana li’a tsoana. Ea tlohang ‘molao o le mong,’ o bontša ho tlola melao eohle; tšusumetso ea hae e ka lehlakoreng la tlolo ea molao; o ba ‘molato melaong eohle.’ Jakobo 2:10.”—Ellen G. White, *The Great Controversy*, leq. 582.

Mabapi le Baale Peore, Ellen White o ngotse: “Ba ile ba hata sebaka se thibetsoeng, joale ba tsoaseha lerabeng la Satane. Ba thetseha ke ’mino le motjeko, ba hoheloa ke botle ba baroetsana ba bahetene, ba koenehela botšepahi ba bona ho Jehova. Ha ba tsoela pele ho keteka le ho inyakalatsa, ho itlopa veine hoa taea likelello tsa bona ’me litomo tsa bona tsa boitšoaro tsa khaoha. Litakatso tsa nka taolo; ’me kaha ba ne ba silafalitse matsalo a bona ka ho etsa ntho tse mpe, ba ile ba qobelleha ho khumamela litšoantšo. Ba ile etsa mahlabelo lialetareng tsa bohetene ’me ba nka karolo ho tse ling tsa litšebeliso tse nyonyehang.”—Ellen G. White, *Patriarchs and Prophets*, Leq. 454.

Lipotso tsa ho Qoqa:

- ❶ Nahana ka tse ling tsa litsela tseo le rona re le Masala re leng maemong a tšoanang le ao Baiseraele ba neng ba le ho oona. Nahana ka sohle seo re se filoeng papisong le lefatše leo re phelang hara lona, e, le papisong le likereke tse ling. Joale, potso e tlang ho rona ke ena: Re etsang ka seo re fuoeng? Re isa “bohlale le kutloisiso” ea rona ka ho nepahala joang lefatšeng?
- ❷ “Me lona ba ileng ba khomarela Jehova lea phela bohle ho fihlela kajeno.” Hape, moetsi bakeng sa leetsi “ba ileng” ke batho. Morena a ka se khomarele ho rona, ka tsela ea hore a ka se re qobelle ho eena. Empa, ka tšebeliso e halalelang ea boikhetelo, re tlameha ho khetha ho mo khomarela. Hang hoba re etse khetho eo, re latela joang le ho lula re mo khomaretse?
- ❸ Tsebamisa maikutlo haholo potsong e qetellong ea thuto ea Sontaha. Ho bolel’ang ho eketsa kapa ho fokotsa melao ea Molimo? Ntle le se tsebahalang joaloka ho fetoloha ha Sabatha, ntho’e kang eo e ka etsahala ka boqhetsekehali hona hoo re sa lemoheng joang?